

Գիտությունների ակադեմիայի բաժանմունքների նխատերում, որոնք տեղի ունեցան ապրիլի 4-ին, քննարկվեցին բաժանմունքների գիտական հիմնարկների 1976 թ. գործունեության հիմնական արդյունքները և լավեցին մի շարք գիտական գեկուցումներ:

Հայաստանի գիտությունների ակադեմիայի տարեկան ժողովի եզրափակիչ նիստում ակադեմիայի փոխպրեզիդենտներ ընտրվեցին Ս. Ա. Համբարձումյանը և Ա. Ռ. Հովհաննիսյանը: Գիտությունների ակադեմիայի նախագահության ղլխավոր գիտական քարտուղար ընտրվեց Ս. Ա. Մակունցը: Ընտրվեցին նաև նախագահության հինգ բաժանմունքների ակադեմիկոս քարտուղարներ:

Տեղի ունեցան Հայկական ՍՍՀ գիտությունների ակադեմիայի իսկական անդամների և թղթակից անդամների ընտրություններ:

Ակադեմիայի իսկական անդամներ ընտրվեցին Հ. Հ. Վարդապետյանը (ֆիզիկա), Ֆ. Տ. Սարգսյանը (կառավարման պրոցեսներ), Ս. Հ.

Վարդանյանը (քիմիա), Ա. Տ. Ղանալանյանը (գրականություն):

Ակադեմիայի թղթակից անդամներ ընտրվեցին Մ. Ե. Մովսեսյանը (ֆիզիկա), Ռ. Ռ. Վարձամովր (կառավարման տեսություն), Ա. Մ. Պետրոսյանցը (ատոմային էներգետիկա), Կ. Ա. Կոստանյանը (քիմիա), Ս. Գ. Մովսեսյանը (բիոքիմիա), Գ. Ե. Տեր-Ստեփանյանը (երկրաբանություն), Է. Ս. Գաբրիելյանը (գեղարանություն), Ս. Ք. Ավդալբեկյանը (բժշկություն), Մ. Խ. Քոբանյանը (տնտեսագիտություն), Ա. Ա. Արաբամյանը (լեզվաբանություն):

Ընդհանուր ժողովին մասնակցում էին ընկերներ Կ. Ս. Դեմիրճյանը, Բ. Ե. Սարգսյանը, Ֆ. Տ. Սարգսյանը, Պ. Պ. Անիսիմովը, Կ. Լ. Դավալյանը, Լ. Ն. Ներսիսյանը, Հ. Մ. Բաղդասարյանը, Ռ. Ք. Սվետլովան, Յա. Ի. Խաչիկյանը:

Հ. ՍԻՄՈՆՅԱՆ

ՄԵՍՐՈՊ ՄԱՇՏՈՅԻ ԱՆՎԱՆ ՄՐՑԱՆԱԿԻ ՆՈՐ ԴԱՓՆԵԿԻՐԸ

Մեսրոպ Մաշտոցի ծննդյան 1600-ամյակի կապակցությամբ Հայկական ՍՍՀ գիտությունների ակադեմիան 1962 թ. սահմանեց Մեսրոպ Մաշտոցի անվան մրցանակ՝ հայագիտության բնագավառում առավել արժեքավոր գիտական ուսումնասիրությունների համար:

1977 թ. Մեսրոպ Մաշտոցի անվան մրցանակի դափնեկիրը դարձավ փիլիսոփայական գիտության ոլորտի դոկտոր, պրոֆեսոր, ՀՍՍՀ ԳԱ թղթակից անդամ Վ. Կ. Չալոյանը՝ «Հայոց փիլիսոփայության պատմություն» աշխատության համար:

Մեծ Լ. Վ. Կ. Չալոյանի գիտական ծառանգությունը: 40 տարի է, ինչ նա ղրադվում է հայ փիլիսոփայության պատմության, նրա պարբերացման ու զարգացման հիմնական փուլերի ուսումնասիրման հարցերով:

Մրցանակի արժանացած աշխատությունը հայ փիլիսոփայության պատմության շարադրանքն է, նրա սկզբնավորումից մինչև XVIII դարը ներառյալ: Աշխատության մեջ հեղինակը բնութագրում է հայ փիլիսոփայության աղբյուրները, նրա կապը և առնչությունը այլ ժողովուրդների փիլիսոփայության հետ, րացահայտում է պալլիկյանների և թեոզոլոգների ուսմունքի, «Մասունցի Դավիթ» Լպուսի, հայկական նովելի

ու առակների, Ֆրիկի սոցիալական պոեզիայի փիլիսոփայական հիմունքները:

Մեսրոպ Մաշտոցի անվան մրցանակը հանձնելու կապակցությամբ Հայկական ՍՍՀ գիտությունների ակադեմիայի նախագահությունը 1977 թ. հունիսի 3-ի իր նիստը հրավիրեց Աշտարակի շրջանի Օշական գյուղում: Նիստը բացեց ՀՍՍՀ ԳԱ պրեզիդենտ, ակադեմիկոս Վ. Հ. Համբարձումյանը: Նա ներկայացրեց Մեսրոպյան մրցանակի նոր դափնեկիր Վ. Կ. Չալոյանին և նրան հանձնեց դիպլոմ, հուշանվեր և կրծքանշան: Վ. Կ. Չալոյանի գիտական ծառանգության մասին խոսեց ՀՍՍՀ գիտությունների ակադեմիայի հասարակական գիտությունների բաժանմունքի ակադեմիկոս-քարտուղար, ՀՍՍՀ ԳԱ ակադեմիկոս Մ. Պ. Աղայանը: Դափնեկիրին ողջունեցին ՀՍՍՀ ԳԱ փիլիսոփայության և իրավունքի ինստիտուտի գրեկտոր Ս. Ս. Թովմասյանը, Մատենադարանի ավագ պատշխատող Ս. Ս. Արեշտյանը, ՀԿԿ Աշտարակի շրջկոմի քարտուղար Լ. Ա. Հարությունյանը և Օշականի պիոներ-դպրոցականները: Վերջում շնորհակալական խոսք ասաց Վ. Կ. Չալոյանը:

Գ. ԳՐԻԳՈՐՅԱՆ